

Гуноҳкорлар учун тайёрланган жазо



20:08 / 26.03.2018 6461

Жинойтчилар сиймоларидан билиниб турар. Ва уларнинг пешона сочлари ва оёқларидан тугилур.

Демак, гуноҳкорлар қиёматдаги халойиқнинг ичида белгили бўлиб туришади. Шунда азоб фаришталари келиб, уларнинг пешона сочлари ва оёқларидан тутиб, жаҳаннамга улоқтирадилар.

Бас, Роббингизнинг қайси неъматларини ёлғонга чиқара олурсиз?!

Жинойтчилар ёлғонга чиқараётган жаҳаннам шудир.

Гуноҳкорларни пешона сочлари ва оёқларидан тутиб, жаҳаннамга улоқтираётган фаришталар шу сўзларни такрорлаб: «Жинойтчилар ёлғонга чиқараётган жаҳаннам шудир», деб айтар эканлар. Бу эса азоб устига азоб, қийноқ устига қийноқ бўлади.

Улар у (жаҳанам) билан ўта қайноқ сув ўртасида айланурлар.

Гуноҳкорлар гоҳ жаҳаннам ўтида куядилар, гоҳ устиларидан ўта қайноқ сув қуйилади ёки ҳарорат юқорилигидан чанқаб, сув ичмоқчи бўлсалар, уларга ўта қайноқ сув ичирилади.

Бас, Роббингизнинг қайси неъматларини ёлғонга чиқара олурсиз?!

Ушбу ояти кариманинг азоб оятларидан кейин қайта-қайта такрорланишининг ҳикмати ҳақида уламоларимизнинг айтишларича, азоб оятларида осийларни гуноҳдан қайтариш ва тавба қилишга ундов, даъват бор, шунинг ўзи улар учун катта неъматдир ва бу неъматни ёлғон дейишга уларнинг ҳақлари йўқ.

Шайх Муҳаммад Содиқ Муҳаммад Юсуф

(Тафсири Ҳилол китобидан)